



ისმინეთ და დაემორჩილეთ, რადგან ისინი (მმართველები) აგებენ პასუხს მათზე დაკისრებულზე, ხოლო თქვენ — თქვენზე დაკისრებულზე

ვაილ ალ-ჰადრამისგან გადმოცემულია, რომ სალამა იბნ იაზიდ ალ-ჯუ'ფიმ (აღლაჰი იყოს კმაყოფილი მისით) ჰკითხა აღლაჰის მოციქულს (აღლაჰის ლოცვა და მშვიდობა მას) და თქვა: „ო, აღლაჰის მოციქულო, მითხარი, რას გვიბრძანებ, თუ ჩვენზე გაბატონდებიან მმართველები, რომლებიც ჩვენგან მოითხოვენ იმას, რაც მათ ეკუთვნით, მაგრამ უარს ამბობენ ჩვენს უფლებებზე?“ — მოციქული (აღლაჰმა დალოცოს და მიესალმოს მას) მას ბურგი უქცია. შემდეგ მან იგივე კითხვა მეორედ (ან: მესამედ) დასვა, და მაშინ ალ-ამ'ას იბნ ყაისმა იგი თავისკენ გამოსწია, და თქვა(მოციქულმა აღლაჰმა დალოცოს იგი): «ისმინეთ და დაემორჩილეთ, რადგან ისინი (მმართველები) აგებენ პასუხს მათზე დაკისრებულზე, ხოლო თქვენ — თქვენზე დაკისრებულზე».

[სანდო (საჰიჰ)] [გადმოსცა მუსლიმმა]

მოციქულს (აღლაჰის ლოცვა და მშვიდობა მას) ჰკითხეს მმართველებზე, რომლებიც ხალხისგან მოითხოვენ საკუთარი ვალდებულებების შესრულებას — მორჩილებასა და დაქვემდებარებას, მაგრამ თვითონ არ ასრულებენ თავიანთ მოვალეობებს: არ იცავენ სამართლიანობას, არ ანაწილებენ ომის ნადავლს სამართლიანად, არ უბრუნებენ (დაჩაგრულებს) თავიანთ უფლებებს და არ უბრუნველყოფენ თანასწორობას. „რას გვიბრძანებ, როგორ მოვიქცეთ მათთან მიმართებაში?“ მოციქულმა (აღლაჰის ლოცვა და მშვიდობა მას) მას ბურგი უქცია, თითქოს არ მოეწონა ასეთი კითხვები. თუმცა, იმ ადამიანმა ისევ დაუსვა იგივე კითხვა მეორედ და მესამედ. მაშინ ალ-ამ'ას იბნ ყაისმა (აღლაჰი იყოს კმაყოფილი მისით) მოსაუბრე ადამიანს ხელი მოკიდა რომ შეეჩერებინა იგი. მოციქულმა (აღლაჰის ლოცვა და მშვიდობა მას) უპასუხა: ისმინეთ მათი სიტყვები და დაემორჩილეთ მათ ბრძანებებს, რადგან მათგან მათი პასუხისმგებლობა — სამართლიანობის დაცვა და ხალხისთვის მათი უფლებების მიცემა, ხოლო თქვენზეა თქვენი ვალდებულება — მორჩილება, თქვენი მოვალეობების შესრულება და განსაცდელების მოთმენა.

<https://sunnah.global/hadeeth/ka/show/5037>

